

CUMEGN DA CUNTER

REGLEMAINT PER CARAR
CUN VEHICHELS A MOTOR
VEIAS DA GÔT SEN TERRITORI

digl

cumegn da Cunter

Reglemaint per carar cun vehichels a motor veias da gôt sen territori digl cumegn da Cunter

Sa basond agl art. 15 dalla lescha da gôt federala, art. 20 dall'ordinaziun da gôt cantunala, relaschea dalla radunanza communalala igls 01-12-2001

Art. 1 Veias da gôt sainza scumond da carar

Las suandontas veias da gôt on funcziun da veias communalas ed èn avertas per igl traffic da vehichels a motor:

- Veia Cunter-Promastgel (a parteir dalla Badogna sur Muntschect)

I valan las suandontas restricziuns:

- limita da peis 18 t
- limita da larghezza 2.3 m

Art. 2 Scumond da carar cun la pussebladad d'excepziuns

Las suandontas veias da gôt servan ultra digl adiever forestal ed agricol er anc per oters scopos. I vala en scumond da carar per vehichels a motor risguardond las excepziuns tenor artetgel 4 e 5 digl reglamaint:

- Veia Promastgel – Curtegnas davent digl parcadi sur las aclas da Promastgel

I valan las suandontas restricziuns:

- limita da peis 3.5 t
- limita da larghezza 2.0 m

Art. 3 Scumond da carar per vehichels a motor

Tot las ulteriouras veias da gôt servan sulettamaintg per adiever forestal. Sen chellas veias è igl carar da vehichels a motor lubia angal per scopos previas tenor las leschas da gôt federalas e cantunalas.

- Veia da gôt La Villa a parteir dalla veia digl Gelgia – Sissi
- Veia da gôt Gravas a parteir digl stand da pistolas
- Veia da gôt Scalottas – Promastgel a parteir digl parcadi Gnignia
- Veia da gôt Muntschect – La Foppa
- Veia da gôt Promastgel – La Lavegna a parteir digl parcadi sur las aclas da Promastgel

chegl tenor publicaziun digls 5 da november 1993 aint igl figl uffizial digl cantun Grischun.

Art. 4 Excepciuns pigl adiever sainza lubientscha

Nignas lubientschas dovran:

- viadis da sarvetsch dalla pulizeia, sarvetsch forestal, guardiaselvaschigna, sanitad, pumpiers, defeisa dad ieli e chemia, viadis cun igl scopo d'adampleir activitads uffizialas u legalas (per exaimpel scutgamegn, controllas da fi, dertgiras per vistas occularas etc.) scu er viadis an sarvetsch dalla confederaziun.
- transport da lenna da bistgetta
- viadis da medis e veterinaris an activitad professionala.
- viadis per cass da discletg, fi e catastrofas, tgi vignan ordinos d'en post cumpetent.
- viadis per transports da selvaschigna d'ungla sagiattada.

Art. 5 Excepciuns per utilizar las veias cun lubientscha

La suprastanza communal conceda sen dumonda lubientschas da carar per:

- vehichels da proprietaris, fittadigns e locataris per igl access a lour schaschant.
- vehichels da furnitours, da gliout da professiun, da guardiatgamonas, da concessiunaris ed oter ple per l'execuziun da lour activitad.
- apportaders per intents spezials scu transport da lenna d'intgant, visetas alla pastreglia, visetas da tgamonas, ageid da fanar etc.
- vehichels da persungas impedeidas dad eir a pe.

Art. 6 Prescripciuns spezialas

An cass da relaziuns da veias u malora disfavorevlas, pò la suprastanza scumandar tot igls viadis u restranscher igl traffic u parts da veias per en taimp determino.

Chegl pò succeder an spezial la premaveira durant la darotta per la veia Cunter-Muntschect-Promastgel.

Da prancepi duess la veia betg neir carada siva dalla sarada. An mintga cass ègl scumando da tigneur liber la veia antras carar regularmaintg. La rumageda da neiv è scumandada da prancepi. Per cass mutivos pò la suprastanza communal lubeir da rumager la neiv.

Barrieras e signals da traffic on da neir risguardos.

Igl taragn cunfinant alla veia na dastga betg neir caro. Parcar e cruschar è lubia angal ainten chels lis tgi èn previas ed adattos persiva.

Art. 7 Disposiziuns penalas

Surpassamaints da chest reglamaint vignan punias dalla suprastanza communal cun multas d'anfignen 1000.— fr., an cass da repitiziun d'anfignen 5000.—.

Art. 8 Execuziun

L'execuziun da chest reglamaint surstat alla suprastanza communal. Ella pò delegar chella cumpetenzza ad en funcziunari communal.

Art. 9 Publicaziun e signalisaziun

Las restricziuns da traffic ed excepziuns relaschedas cun chest reglamaint ston neir publicgeidas. La signalisaziun succeda an cunvagnientscha cun la pulizeia da traffic cantunala.

Art. 10 Vigour

Chest reglamaint vo an vigour cun l'approbaziun digls signals da prescripziun antras igl departamaint da gisteia, pulizeia e sanitad e cun montar la signalisaziun correspondententa segl li (art. 13. all. 2 dall'ordinaziun executiva alla lescha federala per traffic sen veia (GAV zum SVG).

Relaschea dalla radunanza communal igls 01.12.2001

Igl mastral:

Igl canzlist:

(Filip Dosch, mastral)

(Andreas Simeon, canzlist)